



Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

AKT PËRCJELLËS

REFERENCË:	25/17			
PËR:	- Zyrtarit e prokurimit të AK-së- Agjencia Qendrore e Prokurimit (AQP) - Parashtruesit të ankesës “HIB PETROL” sh.p.k. me seli në Prishtinë			
CC:	- Panelit Shqyrtues në OSHP, - Arkivës në OSHP			
NGA:	Sabrije Bullatovci, Ekspert shqyrtues i prokurimit <u>Bullatovci</u>			
TEMA:	Raporti i vlerësimit të ekspertit shqyrtues, lidhur me ankesën e parashtruar “HIB PETROL” sh.p.k. me seli në Prishtinë, me numër protokollit 25/17, lidhur me aktivitetin e prokurimit “Furnizim me karburante”, me nr. të prokurimit AQP/16/001/111, kundër vendimit të Autoriteti Kontraktues (AK) Agjencia Qendrore e Prokurimit (AQP).			
Lokacioni:		Prishtinë	Data:	06.02.2017
PËR AKTIVITET				X
SIÇ ËSHTË KËRKUAR				X
PËR KOMENTE				X
PËR INFORMIMIN TUAJ				X

Bazuar në nenin 113 dhe 114 të LPP të Kosovës, ju njoftojmë me raportin e ekspertizën lidhur me aktivitetin e prokurimit “Furnizim me karburante”, me nr. të prokurimit AQP/16/001/111, iniciuar nga autoriteti kontraktues (AK) – Agjencia Qendrore e Prokurimit (AQP), si dhe me përgjigjen ndaj pretendimeve ankimore të OE ankues “HIB PETROL” sh.p.k. me seli në Prishtinë, me numër protokollit 25/17.

Konform nenit 113 dhe 114, Pjesa IX e LPP-së, eksperti shqyrtues i pavarur, ka shqyrtuar dhe analizuar procesin e prokurimit në fjalë si dhe kërkesën e AK-së, dhe ka konstatuar si më poshtë:

AK është i thirrur që pas marrjes së raportit të ekspertit shqyrtues lidhur me këtë procedurë të prokurimit përkatësisht pretendimeve të bëra në ankesë, të veprojë sipas kërkesave të nenit 115 të LPP-së

Të bashkangjitur gjeni raportin e ekspertit shqyrtues dhe ekspertit teknik.

RAPORTI I EKSPERTIT SHQYRTUES

<i>Bullabani</i>	30.01.2017	31.01.2017	06.02.2017
Nënshkrimi i ekspertit	<i>data e autorizimit të eksp.</i>	<i>data e fillimit të ekspertizës</i>	<i>data e dorëzimit të raportit</i>

N. 99, LPP - Baza ligjore e shqyrtimit-

Me datë 25 janar 2017, Organi Shqyrtues i Prokurimit, ka pranuar ankesën e parashtruar nga OE “HIB PETROL” sh.p.k. me seli në Prishtinë, lidhur me aktivitetin e prokurimit: “Furnizim me karburante”, me nr. të prokurimit AQP/16/001/111, iniciuar nga autoriteti kontraktues (AK) – Agjencia Qendrore e Prokurimit (AQP).

Konform nenit 113 dhe 114, Pjesa VIII e LPP-së, Eksperti Shqyrtues i OSHP-së e ka shqyrtuar dhe analizuar procesin e prokurimit në fjalë, dhe ka konstatuar si më poshtë:

N. 109,-Operoret Ekonomik Ankues: “HIB PETROL” sh.p.k. me seli në Prishtinë

Pikat e Ankesës:

- Shkelje e nenit 7 të LPP-së, Barazia në Trajtim / Jo Diskriminim;
- Shkelje e nenit 28 të LPP-së, Specifikimet teknike;
- Shkelje e nenit 30 të LPP-së, Nën-kontraktimi;
- Shkelje e nenit 71 të LPP-së, Grupet e Operatorëve Ekonomik dhe Operatorëve e Huaj Ekonomik.

Deklaratë detale mbi faktet dhe argumentet:

Duke u mbështetur ne kërkesat e FDT-së, neni 6.4 Pranueshmëria e Operatorëve Ekonomik, njëherit neni 12.1 Nen kontraktimet dhe gjithashtu te kërkuara ne Aneksin 9 - Lokacioni i pikave te karburantit, ju informojmë se duke u mbështetur ne kërkesat tona për marrjen e deklaratës nen betim te disa pikave ku ka qene e obliguar marrja e nen kontraktimeve dhe si e tille ka qene kriter për përshtatshmërinë e Operatoreve Ekonomik kemi hasur ne refuzim për shkak te monopolit te krijuar nga një ose me shume operator ekonomik për bllokimin e dhënies te dokumenteve te cilat janë obligative për dorëzim. Pas shume negociatave kemi zhblokuar dhënien e këtyre deklaratave mirëpo ne Mamushe ka qene e pamundur për shkak te dhënies se një Operatori tjetër i cili ne një forme ose tjetër ka krijuar monopol për atë zone. Pika te tjera ne Mamushe janë jashtë parametrave te kërkuara ne FDT. Duke u mbështetur ne nenin 28 dhe nenin 7 pika 4 te LPP mendojmë se rezulton ne diskriminim territorial. Kriteret e tilla dhe qasja e OE ne transparence dhe ne mos krijimin e monopolit ka dështuar dhe presim nga AK qe monopoli te mos lejohet dhe te korrigjohet distanca deri ne 20 km për zonën e caktuar. Duke u bazuar ne shpenzimet te cilat i ka ajo zone rezulton ne një vlere minimale ne krahasim me furnizimet e autoriteteve tjera ne Lotin e caktuar.

MONOPOLI i jashtëm i krijuar si pasoje e kërkesave jo te qëllimta nga AK-ja por te thjeshta për pjesëmarrje ne aktivitetit e prokurimit te përmasave te tilla ka krijuar një precedent tjetër ku sipas burimeve tona ne teren (mbështetur ne deklarimet e nen kontraktoreve te shumte me te cilët kemi bashkëpunim te gjate dhe te suksesshëm), një kompani e vetme ka krijuar rrjetën e dy konzorciumeve për pjesëmarrje ne ketë aktivitet edhe ne Lotet tjera, edhe pse sipas AK dhe planifikimeve është dashur qe një kompani te konkurrojë vetëm ne 2 Lote. Kjo është bere për mos krijimin e Monopolit mirëpo Monopoli veçse është bere dhe është dorëzuar ne zyrat e AQP-se. Deklaratat tona bazohen ne marrjen e deklaratave nen betim dhe krijimit te grupeve nga i njëjti person (kompani) qe qëndron mbrapa këtyre furnizimeve. Monopoli është i dënuar me ligj, si direkt ashtu edhe indirekt. Kriteret e dobëta dhe te thjeshta për ketë aktivitet voluminoz kane mundësuar krijimin e këtij monopoli. Kërkesat tona paraprake te prezantuara edhe ne konferencën para kualifikuese edhe ne ankesën e bere ndaj aktivitetit kontraktues për:

1. Autorizim Prodhuesit
2. Referenca dhe kontrata
3. Mjetet transportuese
4. Licenca për deponim kane qene disa nga kriteret qe nuk paraqesin diskriminim sepse neni 71 i LPP, neni 11.1 i FD7, jep mundësinë e krijimit te grupeve dhe konzorciumeve për plotësimin e kriterëve dhe shmangien e këtij monopoli.

Mbështetur ne propozimet tona janë edhe dosja e tenderit te AQP-se 2014 dhe AQP-se 2015, ku ka pasur konkurrencë dhe konzorciume. Ne asnjë moment nuk jemi e vetmja kompani qe mund te posedojmë dokumentacione te kërkesave te lartpërmendura dhe ne asnjë mënyrë nuk është kërkesë monopoliste, mirëpo kriteri i tille krijon konkurrimin ne Lotet e propozuara, konkurrence dinjitoze, prezantimin e kompanive te kapaciteteve administrative, teknike dhe profesionale dhe mos dhënien e mundësisë se prezantimit te kompanisë se njëjtë dhe kapaciteteve te saj ne te gjitha lotet si prapavije ose prezantim direkt. Nëse informatat e tona për këtë monopol nuk do te merren seriozisht nga AK edhe pse janë totalisht te argumentuara dorëzimet e dosjeve minimum 20 dite para afatit për dorëzimin e ofertave (gjithnjë bazuar të dhënave të nen kontraktorëve dhe pjesëtarëve të konzorciumit) atëherë do te obligohemi që deklaratat për krijimin e këtij monopoli t'i dorëzojmë ne Krimet Ekonomike dhe institucionet përgjegjëse tjera të Republikës së Kosovës.

Kompania “HIB PETROL” mbështetur ne argumentet e ofruara kërkon nga AK-ja që të:

Anulojë procedurën e këtij aktiviteti;

Analizojë dhe vendos kriteret të cilat në asnjë mënyrë nuk do të lejonin krijimin e monopolit direkt apo indirekt në interes të transparencës dhe konkurrencës.

Procesi i prokurimit

Data e autorizimit të prokurimit nga zyrtari autorizues(N.22.1).....	UA/2016/16/261/111
Data e njoftimit për kontratë (N. 40)	01.12.2016
Lloji i procedurës së aplikuar (N.33-38):-.....	Procedura e hapur
Lloji dhe vlera e kontratës së publikuar(N.16):	Furnizim /e madhe
Vlera e përlllogaritur për këtë prokurim (N.15-19):	14,650,000.00 €
36muaj	

Data dhe vlera e akordimit të mjeteve financiare nga AK (N.9):

Afati kohor për pranimin e projekteve (gjithsejtë ditë):30.12.2016

Kriteret për vlerësim

Kriteri për dhënien e kontratës (N.60):Tenderi i përgjegjshëm me çmim me të ulët.

Kërkesat (administrative) për përshtatshmëri (N.65-69):

- Operatori ekonomik duhet të përmbush kërkesat e specifikuara në nenin 65 të LPP-së.

Dëshmitë dokumentare:

- Një deklaratë e shkruar nën Betim, e nënshkruar nga tenderuesi duke përdorur formën në Aneksin 2.
- Dëshmitë lidhur me kërkesat e pranueshmërisë do të kërkohen nga tenderuesi të cilit AQP-ja ka ndër mend që t'ia jap kontratën. Këto dokumente duhet të dorëzohen nga tenderuesi para dhënies së kontratës. Afati kohorë për dorëzimin e dokumentacionit të përmendur është pesë (5) ditë nga marrja e njoftimit të AQP-së për synimin e dhënies së kontratës. Dështimi për të paraqitur një nga këto dokumente brenda afatit kohor të përmendur do të thotë që tenderuesi do të refuzohet, do ti konfiskohet garancioni i sigurimit të ofertës dhe AQP-ja do të vazhdojë me tenderuesin e radhës në rang-listë.

Dokumentet të cilat do të kërkohen si dëshmi për përmbushje të kërkesave të pranueshmërisë janë me se vijon:

- Vërtetim të lëshuar nga gjykata apo autoritet administrativ të vendit e themelimit të tenderuesit për situatën referuar nenit 65 paragrafi 3, nen-paragrafi 3.1,3.2,3.3,3.4,3.5 dhe 3.6 dhe paragrafi 4, nen-paragrafi 4.1, 4.2 dhe 4.4 (jo më i vjetër se 6 muaj para datës së dorëzimit të tenderit) kërkohet origjinal ose kopje e noterizuar.
- Vërtetimi i lëshuar nga Administrata Tatimore e vendit të themelimit të operatorit ekonomik, se operatori ekonomik në fjalë nuk është në vonesë për pagimin e tatimeve dhe kontributeve së paku deri në tremujorin e fundit të vitit para datës së dorëzimit të tenderit- kopja.

Në lidhje me dispozitat e tjera të përcaktuara në Nenin 6 si dhe në rastin kur lëshimi i dokumenteve dhe certifikatave që referohen më lart është i pamundshëm për arsye objektive, apo kur dokumentet nuk mbulojnë të gjitha rastet për të cilat është nxjerrë dëshmia, një deklaratë nën betim nga tenderuesi mund të pranohet si dëshmi e mjaftueshme.

Kërkesat përshtatshmërisë profesionale (N. 66):

- Regjistrimi si operator ekonomik në regjistrin profesional, komercial dhe/apo Regjistrin e ndërmarrjeve në vendin e juaj të themelimit;
- Regjistrimi i TVSH;
- Regjistrimi i Numrit Fiskal
- Operatori ekonomik duhet të jetë i licencuar nga MTI për import, shitje me shumicë dhe transport të derivateve të karburanteve.

Dëshmia e kërkuar dokumentare:

- Një dokument i lëshuar nga autoriteti përkatës publik në vendin e themelimit të operatorit ekonomik me të cilin evidentohet regjistrimi i operatorit ekonomik në atë vend (Kopja e certifikatës së biznesit);
- Certifikata e TVSH- kopje
- Certifikata e numrit fiskal- kopje
- Licencat për shërbime në sektorin e karburanteve:
 1. Licenca e importit- Vërtetimi i kopjes i noterizuar nga origjinali;
 2. Licenca për deponim- Vërtetimi i kopjes i noterizuar nga origjinali;
 3. Licenca e shitjes me shumicë- Vërtetimi i kopjes i noterizuar nga origjinali;
 4. Licenca e transportit- Vërtetimi i kopjes i noterizuar nga origjinali;
 5. Licenca e shitjes me pakicë për pikat e karburantit ku operatori ekonomik ofron furnizime me karburante e të cilat i ka në pronësi apo të marruar me qira- Vërtetimi i kopjes i noterizuar nga origjinali;
- Të gjitha licencat e lëshuara nga Ministria e Tregtisë dhe Industrisë duhet që të kenë afat validitetit.
- Për pikat e karburantit që priten të nënkontraktohen, Licencat e shitjes me pakicë dhe marrëveshja për nën-kontraktim duhet të noterizohet nga operatori ekonomik që supozohet që të shpërblehet me kontratë.
- Dokumentet (Licencat e shitjes me pakicë të pikave të karburanteve të nën-kontraktuara dhe marrëveshjet për nën-kontraktim) duhet të dorëzohen të AK-së-AQP në afat prej 7 ditësh nga kërkesa e AK-së para publikimit të Njoftimit për dhënie të kontratës.
- Dështimi i operatorit ekonomik që është supozuar që të shpërblehet me kontratë të sjell licencat e shitjes me pakicë dhe marrëveshjet për nën-kontraktim për pikat e karburanteve të nën kontraktuara, i jep të drejtë AK-së që ofertën ta refuzoj, ta bëjë konfiskimin e garancionit për sigurim të ofertës dhe të vazhdojë me shpërblim të kontratës me operatorin ekonomik që është rendit në vendin e dytë e kështu me radhë.

Kërkesat mbi gjendjen ekonomike dhe financiare (neni 68 të LPP-së)

- Operatori ekonomik duhet të ketë realizuar gjatë tri viteve të fundit (2013, 2014 dhe 2015) një xhiro totale në EURO të barabartë ose më shumë se:

Pjesa 1: 9,000,000.00€
Pjesa 2: 3,800,000.00€
Pjesa 3: 2,200,000.00€
Pjesa 4: 1,600,000.00€
Pjesa 5: 1,600,000.00€
Pjesa 6: 2,500,000.00€

Në rast se operatori ekonomik dorëzon tender për 2 pjesë (lote), shuma totale e qarkullimit financiar që kërkohet për Lotet për të cilat ai konkurren duhet të përmbushet nga OE.

Shembull: nëse qarkullimi i kërkuar për Lot 1 është 9,000,000.00€ dhe për Lot 2 është 3,800,000.00€, atëherë kërkesa minimale e qarkullimit e cila duhet të përmbushet nga OE është 12,800,000.00€.

- Sigurimi i tenderit:

Pjesa 1: 180,000.00€
Pjesa 2: 75,000.00€
Pjesa 3: 45,000.00€
Pjesa 4: 30,000.00€
Pjesa 5: 30,000.00€
Pjesa 6: 50,000.00€

- Sigurimi i ekzekutimit 10%, vlerës së kontratës

Dëshmia e kërkuar dokumentare:

- Deklaratat Tatimore Vjetore të dorëzuara ne ATK (2013, 2014 dhe 2015).

Kërkesat mbi mundësit teknike dhe profesionale (neni 69 të LPP-së)

- Operatori ekonomik duhet të dorëzojë një listë të pikave të shitjes së karburanteve që planifikon për të shfrytëzuar për realizimin e kontratës. Vendet e pikave të shitjes të cilat kërkohen janë të specifikuara në Aneksin 9;
- Tenderuesi duhet të dorëzojë Certifikatën e cilësisë së mallrave të ofruara nga një Institucion i Pavarur për Certifikim të Cilësisë.

Dëshmia e kërkuar dokumentare:

- Plotësimi i Aneksit 9- te dosjes së tenderit-Lokacionet e pikave të karburantit.
- Certifikata nga një Institucion i Pavarur për Certifikim të Kualitetit- original ose kopje e noterizuar nga origjinale.

Analiza dhe konstatimet e ekspertit shqyrtues (N. 113,114)

Në finalizim të analizimit dhe shqyrtimit të Lëndës Tenderime, është konstatuar, si në vijim:

Sqarimi: Nr. 1 (mbarëvajtja e procedurës së prokurimit).

Ekspertja shqyrtues bazuar në dokumentacioni që ka në shqyrtim konstaton se autoriteti kontraktues në aktivitet të prokurimit “Furnizim me karburante”, me nr. të prokurimit AQP/16/001/111, ka aplikuar procedurën hapur. Lloji i kontratës është kontratë publike kornizë 36 muaj, furnizim, vlerë e madhe. Dosja e tenderit përfshinë termet dhe kushtet materiale të saja, procedurën e zbatueshme të prokurimit, kërkesat të aplikueshme të përshtatshmërisë dhe kriteret e përzgjedhjes.

Sqarimi: Nr. 2

Operatori ekonomik ankues “HIB PETROL” sh.p.k., me dt. 19 janar 2017, ka parashtruar kërkesë për rishqyrtim në autoritetit kontraktues- AQP, lidhur me aktivitetin e prokurimit “Furnizim me karburante”, me nr. të prokurimit AQP/16/001/111, gjatë fazës së tenderimit .

Me dt. 20 janar 2017, autoriteti kontraktues – AQP, merr vendim të refuzoj si të pa bazuar kërkesën për rishqyrtim të parashtruar nga OE “HIB PETROL” sh.p.k, dhe të vërtetoj njoftimin për kontratë lidhur me aktivitetin e prokurimit me titull: “Furnizim me karburante”, me nr. të prokurimit AQP/16/001/111.

Sqarimi: Nr. 3

Lidhur me pretendimin e operatorit ekonomik ankues ku thuhet autoriteti kontraktues shkelej të nenit 7 dhe 28 të LPP-së respektivisht aty ku thuhet: “Pas shume negociatave kemi zhbllokuar dhënien e këtyre deklaratave mirëpo në Mamushe ka qene e pamundur për shkak të dhënies së një Operatori tjetër i cili në një formë ose tjetër ka krijuar monopol për atë zone. Pika të tjera në Mamushe janë jashtë parametrave të kërkuara në FDT. Duke u mbështetur në nenin 28 dhe nenin 7 pika 4 të LPP mendojmë se rezulton në diskriminim territorial. Kriteret e tilla dhe qasja e OE në transparence dhe në mos krijimin e monopolit ka dështuar dhe presim nga AK që monopolin të mos lejohet dhe të korrigjohet distanca deri në 20 km për zonën e caktuar”, ekspertja shqyrtues sqaron se autoriteti kontraktues përmes shkresës elektronike (email), me dt. 20 janar 2017, ka bërë kërkesë për informim të z. Sherif Sherifi- Drejtor i Departamentit Rregullimit të Tregut Naftës në MTI, ku thuhet: *AQP-ja në përputhje me LPP-në dhe UA-05-2016, është duke zhvilluar procedurën e prokurimit “Furnizim me karburante”, ku kemi nevojë për informacion se sa është numri i bizneseve (pompa) të cilat ushtrojnë veprimtari në KK Mamushë dhe janë të licencuar nga autoriteti i juaj.*

Po të njëjtën datë z. Sherif Sherifi- Drejtor i Departamentit Rregullimit të Tregut Naftës në MTI, i kthen përgjigje autoritetit kontraktues me të dhëna ku figuron lista me 8 (tete) operator ekonomik.

Po ashtu, përmes shkresës elektronike (emailit), me dt. 20 janar 2017, autoriteti kontraktues ka bërë kërkesë për informim në zyrën e prokurimi ne K. Mamushë, ku thuhet: *AQP-ja në përputhje me LPP-në dhe UA-05-2016, është duke zhvilluar procedurën e prokurimit "Furnizim me karburante", ku edhe autoriteti juja është përfshirë në këtë udhëzim dhe dosje tenderit. Largesia maksimale e pikave të karburantit që OE ka në pronësi apo të marruara më qira mund të jetë deri 10km nga ndërtesa e Kuvendit Komunal. Për pikat e karburantit që nënkontraktohen, largësia maksimale mund të jete deri në 0-10km nga ndërtesa e Kuvendit Komunal. Distanca e pikës se karburantit së deklaruar nga OE do të matet nga Ndërtesa e Komunave duke e përdorur faqen e internetit VIAMICHELIN. Ju lutem na informoni sa më shpejt që është e mundur se brenda këtij perimetri të caktuar sa biznese ushtrojnë këtë veprimtari. Nga ndërtesa e KK Mamushë në perimetrin 0-10km se sa biznese posedojnë pompa për derivate.*

Po të njëjtën datë, zyra e prokurimit K. Mamushë i kthen përgjigje autoritetit kontraktues ku thuhet: ne konsultim me inspektorët komunal, u informova se brenda distancës së kërkuar nga objekti i Komunës së Mamushës (0-10km), operojnë rreth 8 (tetë) operator ekonomik të cilët posedojnë pompa për shitjen e naftës dhe derivateve të saja.

Bazuar në atë që u tha më lartë si dhe duke pasur parasysh faktin se autoritetit kontraktues aktivitetin e prokurimit e ka ndarë në 6 (gjatë) Lote dhe ka specifikuar se tenderuesi mund të paraqesë tender maksimum 2 (dy) pjesë, ekspertja shqyrtues mendon se autoritetit kontraktues ka të ndërmarrë masa të nevojshme për të siguruar pjesëmarrje më të madhe të operatorëve ekonomik në aktivitetin e prokurimit "Furnizim me karburante".

Sqarimi: Nr. 4

Sa i përket pretendimit të operatorit ekonomik ankues ku thuhet: *"Kriteret e dobëta dhe te thjeshta për këtë aktivitet voluminoz kane mundësuar krijimin e këtij monopoli. Kërkesat tona paraprake te prezantuara edhe ne konferencën para kualifikuese edhe ne ankesën e bere ndaj aktivitetit kontraktues për: 1. Autorizim Prodhuesit; 2. Referenca dhe kontrata; 3. Mjetet transportuese; 4. Licenca për deponim kane qene disa nga kriteret qe nuk paraqesin diskriminim sepse neni 71 i LPP, neni 11.1 i FD7, jep mundësinë e krijimit te grupeve dhe konzorciumeve për plotësimin e kriterëve dhe shmangien e këtij monopoli",* ekspertja shqyrtues bazuar ne nenin 66 dhe nenin 69 të LPP-së dhe nenin 26 te Rregullat dhe Udhëzuesi Operativ për Prokurimin Publik (i dt. 01.11.2016), sqaron se është e drejtë dhe përgjegjësi e autoritetit kontraktues që në njoftimin për kontratë dhe në dosjen e tenderit të specifikoj kriteret minimale për kualifikim të operatorëve ekonomik të cilat i konsideron të nevojshme që operatorët ekonomik duhet të posedojnë lidhur me kërkesat mbi Përshtatshmëria Profesionale dhe kërkesat mbi Aftësi teknike apo profesionale.

Lidhur me kërkesat e specifikuar ne dosjen e tenderit për kualifikim të operatorëve ekonomik, edhe Shoqata e ndërmarrjeve që merren me qarkullimin e naftës, derivate të naftës, gazrave dhe lubrifikanteve "SHQNDGL", me dt. 12 dhjetor 2016 , ka bërë kërkesë në AQP, ku ndër të tjera thuhet: *Ankesat e shumta nga bizneset rreth kriterit të licencës për deponim dhe arsyet e dhëna nga bizneset na bind neve se ky kriter duhet të largohet nga kriteret, përderisa MTI ju jep mundësin e importit pa pasur nevojë për deponi, kjo duhet të merret parasysh edhe nga ana e juaj.*

Që nga fillimi i aplikimit të disa kriterëve si p.sh. Licenca e për deponim, Autorizimi i prodhuesit e disa kriteret të tjera të panevojshme në shumë tender ju ka pamundësuar konkurrimin kompanive që në të kaluarën kanë bërë furnizim për shumë AK-së, edhe pse kanë përvojën dhe kapacitetet e mjaftueshme për furnizimet me karburante për AK-së në këtë tender edhe pse nuk kanë pasur licencën për deponim.

Këto kriter kanë minimizuar mundësin e konkurrimit dhe rrjedhimisht kanë krijuar favorizim të 2 apo 3 kompanive, kompani të cilat pas aplikimit të kriterëve të cekuar më lartë kanë përfituar thaj se të gjithë tenderët.

Mendimi i Ekspertit Shqyrtues

Gjatë analizimit të dosjes së tenderit dhe procedurës së zhvilluar për aktivitetin e “Furnizim me karburante”, me nr. të prokurimit AQP/16/001/111, i rekomandon panelit shqyrtues që ankesa e operatorit ekonomik ankues të aprovohet si pjesërisht e bazuar, ndërsa të aprovoj vendimin e autoritetit kontraktues njoftim për kontratë, të dt. 01 dhjetor 2016.